

SAINT-VINCENT

Eun élévadzo dé ver

Lé ver y a coui i lé mindze, coui y émpiéye pé prene lé pichón, é d'atre incó qué ch'amuzon bièn a élévé-le pé lé faré travayì. Y é fran parì : lé ver son fina bon dé tsandzì lé reste di past, qué no campérian vià, én fumì. L'idé dou *vermicompost* a y é pa novéla, ma a y é tornà dé moda dirimèn én Amérique, é sembie qu'a y ache toujours pieu dé sussé.

Pé deurre, én *California*, y a dé dzen qué lé ver i lé ménon ou travai (quió dedeun eun sézélén) é lai ieu dounon roudzì sen qu'í y avanse dé nounna : dé frize dé pan, caque foye dé salada, lé piemme di pomme... Poué, vo lo ten, to sen lai i veun dé fumì, bon pé lo courtì ou pé beté dedeun lé vazo di fiour. Y ét eun bé vantadzo pé l'aministrachón quemenala, qu'a dèi pamé ché tracassé dé rétsavié sitta moundissia é poué dé la traté. É vo, adón, beutté-vo soutta avoué chu ver !



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.focus.it,

Texte inédit

Collaborateur de Saint-Vincent : **Nadia Savoini**

La transcription a été soignée par le Guichet Linguistique

Mise à jour de la graphie : octobre 2013